


黃陂縣志



黃陂縣重修志書序



古侯國采風上陳天子
而尤輶軒歲遣周諮博
攬以備方聞志之所由
始也郡邑之志與國史

相表裏蓋其重哉雖史
備法戒兼美惡而志專
揚訖務表章不無同異
要以垂典故而示來茲
則其義均也孔子曰志

在春秋是春秋者孔子
之志也繼麟經而作者
稱二十一史然遷固已
不能無訛何則辭多而
志寡也後世史多失實

傳信為難顧不若志之
近采郡邑者猶信而有
徵爾若陂則初無志也
舊志傳自萬曆辛卯及
明末兵燹地介荆豫為

邊為衝為戰場為斥
城邑蒿萊何有於志我
興朝定鼎垂二十餘年而
瘡痍方起故老空存先
是來今者代更八人大

黃陂縣志

序楊

三

率官如客民如寄編摩
弗及也蘊自

龍飛紀元承乏於茲亟詢
掌故而滄桑既改祀宋
無徵力為購求乃獲舊

本而殘編斷簡字蝕文
魚荒略實甚於時欲續
遺編於灰燼勢既不能
抑謀典籍於凋殘時尤
不暇遲之又久非敢後

也比年來繕城郭建廨
舍均徭賦葺膠庠起敝
扶衰畧有成蹟

臺司各憲亦不以蘊不肖
優容有加因得漸次講

求邑乘况

景運休明典章粲備幸際
議禮同文之盛可無信
今傳後之編乃奉

憲檄謬為裁訂揚摧獻文

黃陂縣志

序揚

五

網羅散佚縱四方固多

南董或異其地而未諳

土風即百里亦有高齋

或生是邦而難於論定

惟蘊吏茲四載不乏見

聞雖愧三長無嫌山而擅
因於簿書之暇校讐數
易矢慎矢公於前則文
減而事增於後則僉謀
而獨斷既簡要挈綱亦

字櫛句比為之志輿地
以省疆土焉志建置以
紀營繕焉志賦役以詳
貢稅焉志學校以明教
化焉志秩官以昭職守

焉志選舉以表人文焉
二程有特筆崇所重也
災祥有闕文慎所書也
若忠孝節烈潛德幽光
有美必章無燬不錄示

所勸也至儀禮以著秩
叙藝文以備風謠而且
邑治有圖合邑有圖儀
制有圖十景有圖今昔
該鴻纖悉舉非敢附

筆削之義聊以備一邑
之書爰是觸目徹心書
紳銘座雖蘊以自鏡哉
而藏之斯邑傳之來者
將徵文考獻通變宜民

咸於是折衷焉後之君
子鑒諸

康熙伍年歲次丙午孟夏
文林郎知黃陂縣事南
蘭楊廷蘊撰


黃陂縣志

卷之九

黃陂縣志

序

九



序

粵稽前代之廢百事俱廢當代之興百廢俱興即尺土寸木天將興之誰能廢之是造物者之有定數也順治癸巳紀以巡方出補藩照匏繫於

黃陂縣志

序李

乙

楚十有三載見一切鶴樓諸勝在昔之階闔麇麇者今則鬱岌重軒曩之燼滅城狐者茲則勢超浮棟雖曰人力而實天有以啓之也至若陂邑距江夏僅八十里四會五達

爲八

都孔道紀或捧進

表章或督催軍餉十三年內往來信宿是邑者未易更僕數每見哭兀於邑之東偏濯濯孤峙者知爲魯臺山也其斷

黃陂縣志

序

二

礪殘碑偃仆河干者知爲二程祠雙鳳亭之故墟也其椽題零落墻垣傾圯知爲邑之學宮也縣治左側澤葵依井荒葺冒塗跼蹐於馬王廟之後者戎糧署也乙巳秋紀遷

授陂丞十年不調來佐是邑
古稱功名今定食祿有方
夫到任未幾即出資斧創
廳宇三楹中門三楹頭門一
楹俱離向扁其額曰古東衙
而門之右有樹木坊一座獨

西向而衙舍前後復造廂房
十餘間草草就緒自謂樓身
有所矣而獨文廟魯臺向之
所為目擊而心惻者今既承
乏茲土而顧愀然置之乎因
前而謀諸邑侯侯楊公昆

陵世家也留心數事已久多
因旱澇連年軍興勞午未暇
修飾諸廢紀既叨佐職相慶
同心隨各捐俸金努力圖成
乃於學宮則修戟門并鄉賢
名宦祠以及兩廡齋房

黃陂縣志

序

李

四

聖殿雖仍舊制而缺者補之
頽者葺之廟貌為之一新於
魯臺則重建雙鳳亭二程祠
亭祠前復植松竹桃柳二千
餘株以復花柳前川之舊
當邑志告成特書數言以記

其事至於二程本末原志脩
詳不復贅矧紀起家遼左弓
矢從

王未嘗流覽書史烏敢倩名公
之著作以欺耳目擗管直陳
聊以志前代之廢與俱廢者

黃陂縣志

序

五

當代之興與俱興也是為序
昔歲次丙午仲春

今上御天下之五載也原任巡
按江南蘓松監察御史補授
黃陂縣縣丞三韓李成紀識



序

志之義蓋紀抑邑山川之美與
風土人物之勝俾其展卷燦然
無俟躬履考詳而後悉也然以
脩獻典垂紀載事益重焉不
得命世鴻儒秉筆而綜其盛將

黃陂縣志

序高

乙

擇焉弗精語焉弗詳烏足輝國
門光政府乎 邑侯楊夫子以蓋
代名流膺

簡命而牧茲土善政累之數載內
民歌召杜士咏其業業顧格字之

縱覽是序於序後以應心嚴擇將

新法署以甬觀瞻他如脩學宮
崇教化也建程祠明道學也葺
闕廟尚忠義也百度允鑒未易
更僕今

朝廷嘉興海內維新載

命修志 吾夫子責黼黻之賦編

黃陂縣志

序高

二

金石之冊蒐乃舊聞締以新製崇
雅黜浮增華踵美覺昔之荒
畧者今乃詳明昔之紊者今
乃倫脊麟炳昭灼于古輝國
而光政府端在是與明切隸
得從披對之餘探纂輯之微